

Хальмг багшнр белдлгънă курс

Элст балгъснд, багшнрин медрл ӧддлӱллгънă институтд хальмг багшнр белдлгънă курс кӧдлмшăн эклв. 1957-58 сургъулин джилд эн хальмг багшнр эклцин хальмг клас-смудар кӧдлцхăхмн.

Эн курст 125 кӱн сурхмн; дӧрви баг болхмн, тӱрӱнък хойр багнь сургъулăн июнь сарин тавнла эклв. Дарук хойр багнь июль сарин 10-с авн эклдж сурхмн.

Курс хойр сард кӧдлх зура-та; орс келн, гарин кӧдлмш, зăрм-зăрм предметмӱдарягъдж сургъхин эв-аргъин тускар зааснас талдан, эн курсин сургългъна планд хальмг келнд ик орм ӱлдăгдсн бăанă.

Багшнрин курст ик медрл-тă багшнр кӧдлхмн, тедн дунд Бадмаев Бата, багшнрин медрл ӧддлӱллгънă институтин

багшнр: Павлов Дордж, Кичиков Анатолий, Болдырев Борис, обком партъд кӧдлдж Санджиев Босхмдж, Элстин дундин школин сăн багшнр Склярова А. Г., Голубева Л. С. болн нань чигн багшнр.

Курст ирсн хальмг багшнр сургъулăн тӧгсгăд, школмудар йовцхахларн, ямаран кӱч-тă, чинртă кӧдлмш тедниг кӱлăджăхинь меддж тоолад, шумгъа кевăр сургъулăн дасцхаджана.

Эн багшнр дунд, оln джилд ӧмннь багшлдж йовсн багшнр: Алексеева Н. С., Бадмаева К. Б., Хейчиев Б.—эдн бăанă. Эн багшнр эврăннь багшин кӧдлмшин оln джилă дамшл-тасн хувацдж наадкстан ӧгч чадхмн.

Е. ШУРГУЧИНОВА.